

Goibekokale

ELGETA / Barikua / 2002ko otsailaren 14a / 130. zenbakia


KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Urteroko batzarra egingo dute bihar mendizaleek

OXEL EROSTARBE

Euskal Mendizaleen Elkarteak deituta, bihar arratsaldean, batzarra egingo dute Elgetan Euskal Herriko mendi elkarteetako ordezkariak. Euskal Mendizale Elkartearen presidentea Antxon Bandresek adierazi duenez, hiru urte barru museoazabaltzea espero dute.

Azken urteotan bezala, aurten ere Elgetan egingo du Euskal Mendizale Elkarteak urteroko batzarra. Batzarra bihar, zapatua, izango da, 15:00etan, Espaloia aretoan. Besteak beste, gai hauek aztertuko dituzte biharko batzarrean: ibilaldi luzeetarako araudi berria; Federazioen Batasunarekin bategitea; Iparraldeko Taldeak EMFn; UIAA; 2003rako aurrekontuak; 2002ko urtekariaren aurkezpena; 2003rako asmak; eta eskaerak eta galderak.



Iazko batzarra ere Espaloian egin zuen Euskal Mendizale Elkarteak.

MENDIAREN MUSEOA AURRERA DOA

Euskal Mendizale Elkartearen presidentea Antxon Bandresek GOIBEKOKALEri adierazi dionez, hiru urte barru Mendiaren Museoazabalik egotea espero dute: "Elgetako Udalak eta gure elkar-

teak etengabe dihardute harremanetan Mendiaren Museoaren proiektua aurrera eramateko. Hiru urte barru museoazabalik egotea da gure nahia. Hasi gara

museoan ipiniko ditugun zenbait gauza Elgetan lagatzen: adibidez, Tximist espedizioak Everestengainean egindako maketa Elgetan egongo da bihartik aurrera".

IKASTAROA

Pertsona nagusiak eta gaixoak zelan zaindu

O.E.

Pertsona nagusien eta gaixoen zainzaile familiarrendako Udaleko Ongizate Zerbitzuek antolatutako ikastaroa atzo hasi zen. Ikastaroaren helburua pertsona nagusiak eta gaixoak behar den bezala zaintzeko argibideak ikatea da. Zazpi elgetarrek eman dute izena.

Atzo hasi zen liburutegian pertsona nagusien eta gaixoen zainzaile familiarrendako ikastaroa. Udaleko eta Diputazioko ongizate zerbitzuek antolatu dute ikastaroa. Eta zazpi lagunek eman dute izena. Atzo hasi eta martxoaren 27a bitartean, eguenero izango dute ikastaroa. Kultura etxean izango da, 15:00etatik 16:30era.

Ikastaroan dihardutenek pertsona nagusiak eta gaixoak zaintzeko oinarritzko argibideak zeintzuk diren ikasiko dituzte. Beste batzuen artean, gai hauek landuko dituzte ikastaroan: SENDIAN programaren aurkezpena; zainketaren alde fisikoa (mediku eta erizainekin zerikusia duena); lana errazteko bideak (etxea ego-

kitzea, sarrerak, barrua, segurtasun neurriak...); legearekin zerikusia duten gaiak (ezintasun prozesuak, tutoretza, testamendua, egoitzetan sartzea...); eta alde psikologikoa (gaixotasunak zainzailearengan duen eragina). Gai bakoitzean horretan diharduten mediku eta erizainek emango dituzte argibideak. Ikastaroaren helburua argia da: pertsona nagusiak eta gaixoak behar den moduan zaintzen ikatea. Ikastaroaren gaineko informazio zabalagoa Udaleko Ongizate Zerbitzuetan jaso dezakezue.

SAHARARAKO 187 KILO JANARI

Aurreko hilean, errefuxiatu sahararrendako janari bilketa egin zuten Ongizate Zerbitzuek. Kampaina aurreko astean amaitu zen, eta Elgetako dendetan 187 kilo janari batu dituzte.

Hala, Udaleko Ongizate Zerbitzuek eskerrak eman nahi dituzkiete errefuxiatu sahararrendako janari bilketan parte hartu duten elgetarrei. Elgetan batutaiko janaria Gipuzkoako gainertzaiko herrietan jasotakoarekin batu eta hurrengo asteotan bidaltzeko dute Sahara aldera.

KORRIKA

Kilometroa izango du Elgetak Korrika 13n


Martitzen arratsaldean, Korrikaren aldeko herri batzordea sortzeko batzarra izan zen liburutegian. Herriko hainbat elkartetako kideak izan ziren bertan. Korrikaren gaineko azalpenak entzun eta gero, Elgetan ere Korrika 13ren aldeko batzordea sortzea erabaki zuten.

Datozen asteotan, zenbait batzar egingo dituzte, Elgetan Korrikaren alde aurrera eramán daitezkeen ekimenak zehazteko. Lehenengo batzarra datorren astelehenean izango da, hilaren

17an, 19:00etan, liburutegian. Korrikaren aldeko herri batzordeak bertan parte hartzera deitu nahi ditu herriko elkarteak.

KORRIKA TXIKIA EGINGO DUTE

Korrika Elgetatik pasatuko ez den arren, Arrasate eta Elorrio arteko azken kilometroan Korrikako testigua eramateko aukera izango dugu elgetarrok. Korrika dela eta, beste zenbait ekintza aurrera eramatea ere pentsatu du Elgetako batzordeak. Besteak beste, Korrika Txikia egingo dute.



AEK-ko arduradunek Korrika 13ren nondik norakoak azaldu zituzten liburutegian.

LABUR

Gaur gauean, San Valentin dantzaldia Espaloia aretoan

Erretiratuek antolatu dute dantzaldia, eta 21:00etan hasiko da. Maiteminduen egun honetan, Espaloian elkartu direnendako mahaia eta aukeratuak ipiniko dituzte erretiratuek. Eta kafea eta freskagorriak ere egingo dira. Musika Araba arduratuko da gaur alaitzeaz.

Edozelan ere, jaia ez dute erretiratuendako bakarrik antolatu; hori dela eta, erretiratuek adin guztietako herri-tarrei Espaloira hurbiltzeko gonbidapena egin gura dute.

KZGUNEA


Ikastaro bereziak, txandaka lanean diharduten langileendako

O.E.

Ikastaro trinkoak antolatu dituzte KZGunean, txandaka lanean diharduten langileendako. Ikastaroak astebete iraungo du eta otsailaren 24an hasiko da. Egunero lau orduko eskolak izango dituzte. Interesatuak izena eman behar dute KZGunean bertan.

Azaroaren 11n Elgetako KZGunea zabaldu zutenetik hona, 50 lagun inguruk hartu dute parte antolatu dituzten ikastaroetan. Ikastaroek aste bi irauten dute, normalean, eta egunean bi orduko eskolak ematen dituzte. Txandaka lan egiten duten Elgetarrek ordutegiarekin arazoak zituzten ikastaro arruntetan parte hartzeko; hori dela eta, txandaka lanean dihardutenendako ikastaro trinkoa antolatu dute Elgetako KZGunean.

Ikastaroa otsailaren 24tik 28ra (biak barne) izango da, eta eskolak arratsalde izango dira, 16:00etatik 20:00etara. Ikastaroaren gaineko informazio zabalagoa gura dutenek eta bertan parte hartu gura dutenek Elgetako KZGunerako jo behar dute edo, bestela, 943 78 90 16 telefono zenbakira deitu behar dute. Elgetako KZGunean antolatzen dituzten gainerako ikastaroak bezala, ikastaro hori ere doan da.



Elgetako KZGunean egunero izaten dira Interneten gaineko ikastaroak.

ARAU SUBSIDIARIOAK INTERNETEN

Oraingo astean bertan, Udalak sarean sartu ditu datozen zortzi urteei begira Elgetarako proposatzen dituen arau subsidiarioak. Hain zuzen ere, www.elgeta.org helbidean ditugu arau subsidiarioak. Eta hilabete daukagu arauak alegazioak egiteko.

Horretarako, baina, udaletxera jo beharko dugu.

Elgetako webgunean, Udalean sortzen diren berrien gaineko informazioa berritzen da astero-astero. Informazio hori guztia zure posta helbidean jaso gura baduzu, www.elgeta.org helbidean dituzu argibideak.

KULTURA

Jende ugari White Flag-en kontzertuan

O.E.

AEBetako taldeak ez ziren hutsik egin Elgetara gerturatu ziren zaleei. Hogei urteotan goi mailan zergatik egon diren erakutsi zuten Espaloiko taula gainean. Kontzertua Ken Stringfellowren -White Flag-eko abeslaria- doinu akustikoekin hasi zen. Bakarririk izan zen taula gainean. Hala, gitarra akustikoaren doinuekin lagunduta, hasiera lasaia eman zion kontzertuari.

White Flag-eko gainerako kideak taula gainera igo zirenean, doinu akustikoek pop doinu


emane eman zieten bidea. Espaloiaren batutakoek gozatu ederra hartu zuten orduan. Bukaeran, dagoeneko ohitura bihurtu den legez, ia biluzik amaitu zuen Ken Stringfellowk.

ESPALOA EGOKITZEKO BEHARRA

Diputazioko arduradunek zera adierazi zuten: "Zapatuan argi eta garbi ikusi zenez, Espaloiak era horretako kontzertuak egiteko aukerak ematen ditu. Aretoa egokituta egonda, kanpotik jende ugari erakartzeaz gain, elgetarroi maila handiko taldeak entzuteko aukera emango dizue".




Goi mailan zergatik dagoen erakutsi zuen White Flag taldeak Elgetan.



Datorren urtian, bost ikasle gehixau

Gaur bukatzen zan, datorren urteko ikasturterako Eskolan matrikulatzeko epia. Honek lerruok idatzian, bost ume ziran, datorren ikasturtera begira eskolan matrikulatu diranak. Eskolako arduradunek esan doskuenez, beste bi edo hiru ume falta ziran matrikulatu betetzeko. Aurten matrikulatutako haur kopurua, aurreko urtietakuan parekoa da. /O.E.



Lapurrak sartu ziran gaztetxian

Aurreko astian, lapurrak sartu ziran Elgetako gaztetxian. Erretratuan ikusten denez, lokala nahiko nahastuta laga zeben lapurrek. Tabernan zeguan musika aparatua lapurtu zeben. Gaztiak salaketia jarri dabe Bergarako ertzain etxian. Edozelan be, Ertzaintzak ikertzen diharduen arren, zailla izango da lapurrak harrapatzea. /O.E.

LABUR

Garzónen ebazpena Elgetako Udalera ere heldu da

Garzón epaileak urriaren 16an kaleratutako ebazpen baten "garbiketa etnikoa" egitea egotzi zion Batasunari. Hala, esandakoa frogatzeko, HBk, EHk eta Batasunak azken 25 urteotan egindako jardueren gaineko informazio guztia eskatu die Euskal Autonomia Erkidegoko udal guztiei.

Debagoieneko Udalen artean Elgetako Udala izan da Garzón epailearen ebazpena jaso duen azkena. Hain zuzen, urtarrilaren 30ean jaso zuten ebazpena Udalean. Bi eratako dokumentuak eskatzen dira: batetik, HBk, EHk eta Batasunak azken 25 urteotan aurkeztutako mozioen testuak; eta, bestetik, HB, EH eta Batasunarekin lotutako istilu, gaitzespen eta ekitaldi atzeratzeen gainean esandakoen testuak. Testuok Madrilera bidali behar ditu Udalak, otsailaren 17a baino lehen. Dokumentuok gertatzen dihardute.

ERRETRATUZAHARRA

ELGETA

Bigarren Korrika
Elgetatik pasau
zanekua

Hemen astian aurkeztu dabe aurtengo Korrikako kantua. Hori kantuori, apirillian Euskal Herriko baztarrak zeharkatuko dittuan Korrikaren aurrerapena da. Azkeneko urtotan gure herritik pasau ez dan arren, Elgetan Korrikazale ugari dago. Onduan ikusten dozuen erretratua Korrika egin zan bigarren aldikua da. Iruñean hasi eta Donostian bukatu zan. Hau izan zan orduko lelua: *AEK, euskararen alternatiba herritarra; Korrika, herriaren erantzuna euskararen alde*. Aurtengo Korrika 13.a da. Maulen hasi eta Iruñean amaittuko da.

Hau erretratuau San Romanen atarata dago, Korrikaren testigua elorrixokuei emon ostian. Erretratuan agertzen diranak: Mari Karmen Irazabal, Mariasun Agirre, Mikel Arantzeta, Maria Angeles Gerediaga, Arantxa Aretxaga, Itziar Olabe, Begoña Izagirre.

Urtea: 1982ko maiatza



ADI, IRAKURLE!


Zure erretratu zaharra argitaratzea nahi izanez gero, zatoz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

NOLAALDATUDIRENGAUZAK

ELGETA

Andra Mari
plazia

Andra Mari plazia da gaurkuan hona atal honetara ekarri dotsuegun erretratuetan ikusten dozuena. Elgetarrok eliza aurreko lorategiak jardiñak moduan ezagutu izan dittugu beti. Alboko erretratuetan ikusten danez, lorak ez dira izan urtiak aurrera egin ahala plazan aldatu diran gauza bakarra. Farolak be aldatu dira, eta plazia hobeto zainduta dago azkenaldixan.



≈ 1950

Han urtietan, erretratuan ikusten dittuzuen farolak zeren herri guztian. Lorategixa be beste modu batera zainzten zebeu.



2003

Gaur egunian, lora gehixago ikusiko dittugu bai lorategixetan baita etxietako balkoietan be. Arkupiak, barriz, antzera jarraitzen dabe.



Zumelaga
JATETXEA

60 urte zuen zerbitzura!

San Antonio 5. BERGARA. 943 76 20 21



ERLOJUAK,
ARTIKULU
ELEKTRONIKOAK,
KALKULAGAILUAK...

Irizar pasealekua 2 behea
943 76 59 54 BERGARA

ARDATZA
Brikolajea

Ateak eta zokaloak

Horma-armairuak

Sarrailak

Heldulekuak

Koadroak markoan ipini

Era guztietako moldurak

Apalak

Kaxoiak

Masterreka, 4-behea. Bergara. 943 76 18 93

SARRERA DOAN

Astebururako plana zabal-zabalik

Eguenetan,
20:30ean eta 22:30ean

Aurkezlea:
Amagoia Lasagabaster



*Ikusiko
duzu!*



%50

**erainoko
deskontua**

**eguzkitako
betaurrekoetan**

Eta Inauterietarako betaurrekoak 6€

MULTIOPTICAS

Ibargarai 15 • Tel. 943 76 15 75 • BERGARA



1 euskal selekzioaren ed-rom jokoa



902 010 735
Telefona 24 orduz.

Imajina dezakezun guztia!



Egin ezazu zuk zeure hamaikakoa!




Aukera ezazu taktikarik egokiena



Jokatu:
Munduko Txapelketa,
Lagun arteko partiduak,
sarean,...

- Grafikorik onenak 3D-n Txilenak, erregateak, jaurtiketak, sarrera ikusgarriak, golen ospakizunak...
- Giro-soinu aparta, Ikurrinak harmailetan...
- Jokoaren estatistikak
- Jokaldi onenen errepikapenak...
- Lau futbol zelai aukeran.
- Partiduak egunez, gaez, euriarekin...



+ DOAN
euskal selekzioaren bufanda
Izakinak bukatu arte.

Zure etxean,
72 orduan bidaltze gasturik gabe



Jokoa orain erosiz gero,
bufanda eta garraioa
DOAN